

Høgsommardag

Eg vandrar ved solfylte skogar,
i livet si høgsommar-stund.
Det sigrar, det strøymer, det sjogar,
det lyser i li og i lund.

Kor:

I hjarta sitt djup eg meg fagnar,
og høgsommar-dagen meg gled.
Eg kjenner kor sola meg gagnar,
og sæl eg om livslandet kved.

Høyr lerkene syng over vollen,
og småfuglen kved på si grein.
Det grønkar og gror oppå kollen,
og lufta er lækjande rein.

I hagane angar det roser,
og her duvar klokka, den blå.
I sola alt livet seg koser,
kvar busk og kvart svagande strå.

Tekst: Trygve Bjerkrheim, 1946.
Tone: Terje Vold